

امام هادی‌نین (ع) غیبتہ شرایط یاراتماسی

دی حجه‌نین اون بنشی امام هادی لقبی اولان، امام ابوالحسن علی النقی‌نین(ع) ولادتیدیر. شیعه‌لرین اونمینجی امامی 212 هجری قمری ایلینده ذیحجه یاریسیندا مدینه اطرافیندا «صریا» آدلی بئرده دنیاا گلدی. او حضرت و اوغلو امام حسن (ع)، عسکرین آدینا مشهور اولدولار، چونکی بنی عباس خلیفه‌لری اونلاری 233-جو ایلینده سامرایا (عسکره) آپاردیلار و مبارک عمر

دی حجه‌نین اون بنشی امام هادی لقبی اولان، امام ابوالحسن علی النقی‌نین(ع) ولادتیدیر. شیعه‌لرین اونمینجی امامی 212 هجری قمری ایلینده ذیحجه یاریسیندا مدینه اطرافیندا «صریا» آدلی بئرده دنیاا گلدی. او حضرت و اوغلو امام حسن (ع)، عسکرین آدینا مشهور اولدولار، چونکی بنی عباس خلیفه‌لری اونلاری 233-جو ایلینده سامرایا (عسکره) آپاردیلار و مبارک عمرلرین آخیرینا جان اوردا گۆز آلتیندا ساخلاندیلار. امام هادی‌نین (ع) نقی، عالم، فقیه، امین و طیب کیمی لقب‌لری واریدی و مبارک کنیه‌سی ابوالحسن ایدی.

کراملتی آناسی «امام جواد (ع)» و محترم آناسی «سمانه» ایدی کی چوخ تقوالی و فضیلتلی خانیم ایدی. امام هادی هجری قمری ایلین 220-جی ایلینده آناسی امام جوادین (ع) شهادتیندن سونرا 6 و یا 8 یاشیندا اماملیغا چاتدی. او حضرتین 33 ایللیق امامتی معتمم، واثق، توکل، منتصر، مستعن و معتز خلیفه‌لری اینن بیر زماندا اولدو. امام هادی‌نین (ع) شخصیتی‌نین بؤیوکلوپونه دوشمنلر ده اعتراف ائلیردیلر.

امام هادی‌نین (ع) غیبت عصرینه داخل اولماق اوچون گوردوغو ایشلر:

غیبت زمانینا یاخینلاشدیقجا عباسی خلیفه‌لرین نظارتی چوخالیدی و امام هادی‌نین (ع) زمانیندا دا ب نظارت چوخ شدتلی صورته اولوردو ائله کی بو امام شیعه‌لرین مستقیم یوخ بلکه وکیل‌لرین واسطه‌سی اینن رابطه قوردو.

امامین غیبت عصرین یاخینلاشماغینا گوردوغو اقداملاردان بونلاری آد آپارماق اولار:

- غیبت زمانی‌نین چاتماسی و یاخینلاشماسی بارهده روایتلرین بیان ائتمه‌سی.

- حضرت حجتین (عج) ولادتینه و اونون گیزلی اولماسینا بشارت وئرماق و بونا هشدار وئرماق که اولمایا بو مسأله‌نین گیزلیلیغی شیعه‌لری تردیده سالار.

- شیعه او حضرت اینن تماسلارین آزلتماق. او حده‌جن کی سامرادا بوتون رابطه‌لر نامه اینن و غیر مستقیم اولوردو.

- شیعه‌نین بعضی فقهی و روایی کتابلرین تأیید ائله‌ماق.

- شیعه‌لری وکیل‌لره ارجاع وئرماق و وکیل‌لری سؤاللارا جواب وئرماقا توجیه ائله‌ماق.

- غدیریه و جامعه زیارتلری اینن امامت مقامینی تبیین ائله‌ماق.